

Go TLOŠA KGATELELO

 Moso wo mobotse, mogwera. Ke be ke no bolela le modiša
feela bjale. Gomme ke monyetla wo mobjalo go tla ka go
mafelo a mannyane a go khutša ka mokgwa wo. Le no ikwela
boka, gabotse, go no dula fase le go theetša ditirelo. Gomme—
gomme go na le se sengwe ka ga lefelo le lennyane le. Ke rile
go morwa wa ka, go tleng go dikologa moago dinakwana di se
kae tša go feta, gore le no lebega boka . . . Ke no—ke no rata go
tla mo le go dula fase le go no theetša lebakana, le go theetša se
ba bangwe ba swanetšego go se bolela. Rena badiredi re a tseba
gore yeo ke nako ye kgolo go rena. Gantši ka mehla re swanetše
go dira go bolela, yo mongwe o re theeditše. Eupša re rata go dula
fase le go theetša le rena.

² Le na le modiša yo mokaone, le khwaere ye nnyane ye ya go
ratega mo, le dipina tša Tsione. Lefelo e no ba le lebotse gomme e
sego go ngangologa kudu, gomme feela—feela le re tla le bitšago
gae. Gomme kafao ke—ke rata leo, gabotse ka kgontha. Modimo
a dule a le šegofatša bohole ka go huma. Mmm.

³ Ke be . . . naganne ka pelong ya ka, go kwa kgaetšedi yo
monnyane yo fa, lebakana la go feta, mengwaga ye masometshela
tlhano ya tirelo bakeng sa Morena. Ke naganne ke be ke le e
ka ba bogolo go lekanelo go tlogela, eupša ke a thanka ga ke,
morago ga se. Fa go yo mongwe o be a Mo direla mengwaga ye
masometshela tlhano. Seo e tla ba e ka ba, gabotse, ke a thanka
e ka ba lesomepedi, mengwaga ye lesomenne pele ke tswalwa, o
be a Mo direla. Kafao, seo se a makatša.

⁴ Ke be ke bolela tirelong ya poloko, letšatši le lengwe, bakeng
sa mohumagadi yo monnyane wa kgale, yoo a ka bago bogolo
bja mengwaga ye masomeseswai tlhano, yo a ilego go kopana
le Morena. Gomme—gomme o be a le mokgekolo yo mobose yo
monnyane.

⁵ Lena ba le badilego kanegelo ya bophelo bja ka, mo . . . moo
ke botšišitšego mošemane ge a ka mpolokela sutu yela, le a
tseba, gore o be a na le e tee ya disutu tše nnyane tše tša Boy
Scout. Gomme ka mehla ke be ke nyaka go ba lešole, kafao ke
mmotšišitše ge eba o tla mpolokela yona morago ga ge a e apere,
gomme o tshepišitše o tla dira. Gomme ge ke ile go e hwetša, o
bile feela le seleka se setee se šetšego. Gomme se bile . . . Ke apere
seleka seo go ya sekolong. Gomme se be se le . . .

⁶ Yoo e be e le mmagwe yo a sa tšwago go feta, Mdi. Ford.
Gomme ba magareng ga badiididiidi ba batho ba badiidi. Lloyd,
mošemane yo a mphilego seleka, re bile bakgotsi ge e sa le
bašemane ba bannyane. O no ba yo mogolo gannyane go mpheta.

Gomme ke rile go yena, “Lloyd, o nyaka ke tšea se—se sehlogo sa poloko go tšwa go eng?”

⁷ Gomme o rile, “Ngwanešu Billy,” o rile, “feela . . . ke—ke tla rata go wena go bolela se, ge e le thato ya Morena, feela netefatšo gore mme wa ka o tla bowa gape.”

Ke rile, “Gabotse kudu.”

⁸ Kafao ke tšere sehlogo go tšwa godimo ka go Jobo, “Ge motho a ehwa, a o tla phela gape?” Gomme ke e tšere go tloga go . . . ke a dumela, Jobo 14, ke a nagana ke yona. Gomme ka fao Jobo a bonego . . . Ka fao bophelo bja dimela, ge bo ehwa, bo phetše gape. Kafao ke tšere thuto ya, “Eng kapa eng e phelago go thato le morero wa Modimo e na le tsogo.”

⁹ Gomme ka go ba moromiwa, le go sepela lefase, ke bile le monyetla wa go bona badimo ba bantsi le tša bona . . . difilosofi tša bophelo, le se batho ba se rapelago. Gomme ka go yona yohle, ke ka ga tšohle e lego, filosofi, ka ntle ga Bokriste. Bokriste bo na le therešo.

¹⁰ Bjale, re a tseba gore lefase le ke tlholo. Gomme pele go ka ba tlholo, go swanetše go ba Mohlodi wa tlholo yela. Gomme Mohlodi yo o itlhagiša Yenamong ka tlholong. Ge ebile re be re se ne Beibele, re tla no fela re tseba gore—gore—gore, therešo, feela bjalo ka ge re dira. Beibele ye e bea feela ka lenaneo.

¹¹ Bjale, Modimo, a hlola tlholo, o itlhagiša Yenamong morago ka tlholong. Gomme Yena ga se Modimo feela wa Sears ba tee ba and Roebuck Harmony House ye tee ya go kgwahla. Yena—Yena—Yena ke Modimo wa tša go fapafapana. O dira dithaba tše kgolo, le dithaba tše nnyane; gomme O dira maganata, gomme—gomme O dira matsha; gomme O dira mehlare ye mennyane, le mehlare ye megolo; le matšoba a mašweu, le matšoba a mahubedu; le go dira banna ba bannyane, le banna ba bagolo; le basadi ba hlogokhubetšwana, le basadi ba hlogontsho. Gomme O—O re dira go fapana, gobane O re nyaka ka tsela yeo. Ke Modimo wa tša go fapafapana. Gomme O dira bangwe go huma, gomme ba bangwe badiidi, ba bangwe ba magareng. Eupsa re na le lefelo go direla Modimo, gomme leo ke lefelo le A re beilego ka go lona, ge re ka no dula ka lefelong leo.

¹² Ke rile, “Bjale, ge o šetša letšoba le lennyane.” Le le be le mmogo e ka ba Oktobere. Ke rile, “Dipeu . . . Re bile le lehlwa bjale, gomme—gomme ba thutše dipeu tše dinnyane. Gomme letšoba la hwa, gomme dipeu tše nnyane tša boela morago lefaseng. Gomme Modimo o na le tirelo ya poloko, ka go dipula tše tša lehlabula, marotholodi a magolo a a megokgo a rotha go tšwa mafaufaung, a di boloka. Gomme go tla godimo go kgabola Kentucky,” ke rile, “letšatši le lengwe, godimo ga sefega se segolo sa dithaba, O beile ntle dinonyane tša gagwe go kgabaganya lefase, matlakala a mahubedu, a matsothwa, a serowlana.” Le a bona?

¹³ Gomme O ka bohlokong ka gobane dipeu tše dinnyane di hwile, gomme O di bolokile ka tlase ga mobu. Gomme O a tseba, feela ka nnete bjalo ka ge lefase lela le etla morago go dikologa ka mothalo wa letšatši gape, ye nngwe le ye nngwe ya tšona e tla tsoga gape. Eupša e no ba tlwaelo A yago go e kgabola, go bolela le rena, gore go na le tsogo.

¹⁴ Bjale re hlokomela letšatši. Le tswalwa mosong, gomme ke lesea le lennyane ge le tswalwa. Le swanetše go huthumatša lefase le go tsoša dipeu tše di lego ka mobung. Gomme leo, ka e ka ba ka iri ya seswai, le thoma go ya sekolong sa popopolelo. Gomme e ka ba ka iri ya lesome goba lesometee, le tšwele. Le na le thuto ya lona. Ka nako ya sekgalela le ka mengwageng ya lona ya magareng. Iri ya bobedi ka morago ga sekgalela, le ratha mengwaga ya ka. Iri ya bohlano, ke mengwaga ya tate wa ka, le kgaetšedi morago fale. Gomme ka morago ga lebakana, selo selo sa letago se se gotteditšego lefase, se dirile morero wa Modimo, se hwa mošola ka Bodikela. A bjoo ke bofelo bja lona? Le tswalwa leswa, le hlaba mosong wo o latelago gape. Le a bona? Modimo, ka go legato le lengwe le le lengwe!

Ke tšere e ka ba metsotso ye masomepedi, go no hlaloša tše tšohle di bego di le.

¹⁵ Bjale, le a bona, gona. Ka re, “Ka baka la eng?” Go na le senyakwa setee. Gomme ke rata go bolela se ka kerekeng ye e swanago le ye. Go na le senyakwa setee se nyakegago fao. Ga go kgathale gore peu e botse bjang, e swanetše go nontšhwa. E swanetše go nontšhwa. Gomme ge e direla morero wa Modimo, e a nontšhwa, ka baka la gore nose e rwele modula, le go ya pele.

¹⁶ Bjale re hwetša, go ka reng ge lili ye nnyane, ge e...ye botse, e katane mosegare le bošego, ya bula boyona bja yona bjo bonnyane, gomme nose e tlide kgauswi gomme ya no tšeа todi ya yona, feela mahala bjalo ka e ka ba eng. Ga se ya bolela lentšu ka yona. Gomme e ile ya katana go no fa todi ya yona. Gomme nako yeo mofeti o bona bobotse bja yona. Gomme e no boloka botse bja yonamong, gore mofeti a kgone go e bona, a ratago bobotse. Yena yo a kganyogago monko wa yona o o hema ka tokologo, gomme lili ye nnyane e katana feela go itira yonamong go hola lefase, le a bona, go tšweletša todi, bobotse, le letšoba la poloko, e ka ba eng e šomišwago bakeng sa yona, letšoba la monyanya, e ka ba eng. E no neela bolona bjo bonnyane mahala. Gomme ge e ehwa, e tsoga gape ngwaga wo o latelago. Le a bona? Se sengwe le se sengwe.

¹⁷ Go ka reng ge lehlaka le lennyane la lehea le ka re, “Ke maswabi kudu. Ga se gona se sebotse ka nna. Gomme ke be ke se na le todi go e fa ntłe. Ke be ke se na le se, sela, goba se sengwe.”

¹⁸ Eupša ka gona Mong wa yona yohle o re, “Ee, eupša lili ye nnyane e be e ka se kgone go dira magogo a lehea le yona.” Le a bona? Bohle re—bohle re ne se—se selo seo re se dirago. Re direla

Modimo ka go legoro leo re beilwego ka go lona, gomme le tla morago feela go swana.

¹⁹ Bjale, ka sefahlegong sa sohle seo, ka re, “Šo Mme Ford yo monnyane, bjalo ka ge ke mo tseba. O hlapišitše sefahlego sa ka se sennyane sa ditšila ge ke be ke sa le segotlane se sennyane, makga a mantši. Ba be ba diila ka fao badiidi ba bego ba kgona go ba. Eupša o be a tswetšwe e le mosadi, mosetsana wa go ratega. Gomme ge a tswetšwe e le mosadi, seo e be e le bakeng sa morero, go ba le molekani, monna. Gomme o dirile. O be a le molekani wa go botega. O phetše le monnamogatša wa gagwe lebakla la mengwaga tsoko ye masometshela, goba bokaonana, gomme mosadi wa go botega o be a se a tswalwa, bjalo ka ge ke tseba, mohumagadi wa kgonthe. Go beng gore o be a le seo ka kopanong, ba be ba swanetše go ba le bana.

²⁰ “Šeba ba gagwe ba babose, bana ba bakaone ba dutšego fa, feela go ratega. Lena bana le be le ka se tsoge la nyaka mme yo mokaonana. Goba, a le be le ka dira? Le a bona? Aowa. Monnamogatša wa gagwe o be a ka se kgone go nyaka mosadimogatša yo mokaonana.”

²¹ Ke rile, “O be a diila ka fao a bego a kgona go ba modiidi, eupša ga go yo a bego a ka tsoge a tla mojako wa gagwe, goba tlhoko, eupša se a tla ba fago. Baagišani, go sa kgathale gore ba be ba le ka bothateng bofe, Mdi. Ford, iri efe kapa efe ya bošego, o be a le fao go ba thuša, a dira e ka ba eng a bego a ka kgona, ka se a bego a swanetše go dira ka sona.”

²² Gomme ke rile, “Ka godimo ga tšeо tšohle, ke bile le monyetla nako ye nngwe go boneng peu yela e nontšhitšwe ke Moya wo Mokgethwa. O tswetšwe gape ka Moya wa Modimo.” Ke rile, “Bjale re ya go mo bjala, gannyane nthathana, ka mobung. Gomme ke mang ka bohlale a bego a ka kgona go emeleta gomme a re a ka se tsoge gape?”

²³ “Ge o re a ka se tsoge gape, letlakala ga se le ye tlase botebong bja mohlare pele lehlwa le ewa, go ikuta ka bolona, go tla morago ngwaga wo o latelago ka letlakala le leswa. Ge bjola bo robetše, boreku bjola bo dutše godimo ka mohlareng wola go fihla lehlwa le go gatsela go bethile bjoo, le tla bolaya tlhakwana yela ya bophelo ka go boreku bjola, gomme mohlare o tla hwa. Eupša bohlale tsoko . . . Ga bo na le e tee ya bjona mong. Bjoo ke bophelo bja dimela. Ga bo na bohlale. Eupša se sengwe se a bo laola. Pele re eba le lehlwa goba e ka ba eng, ka nageng yela, kgole ka Agostose, wona matlakala a hlhloraga go tšwa mohlareng ka baka la gore boreku bo tlogela mohlare gomme bo ya morago fase ka medung, ka fasefase ga mobu, go uta tlhakwana yela ya bophelo, go e tliša morago gape ngwaga wo o latelago le kenywa ye e oketsegilego.”

²⁴ Ke eng e dirago seo? Bohlale bofe? Bohlale bjola bja go swana bo laola bophelo bja rená. Yeo ke nnete. Gomme pele re ka

bolela ga go tsogo bakeng sa mokgethwa yo monnyane boka yola a dutšego fale, yo a bego a direla Modimo mengwaga ye masometshela tlhano... Ke be ke nagana ka yena a robetše kua ka tenteng yela ya okisitšene, gomme mohemo wa gagwe o be o no tla. Nna, o tla tsoga gape letšatši le lengwe. O no swanela go. Yeo ke phetho.

²⁵ Pele o ka re a ka se ke, o tla swanela go re ga go nako ya seruthwana, ga go tsogo ya dipeu, ga go selemo le marega, ga go go hlabo le go dikela ga letšatši, ga go selo se sebjalo bjalo ka Lentšu la Modimo. Gobaneng, e tla ba go tshereana go bolela selo se sebjalo. Go na le tsogo. Gomme feela ka kgonthe bjalo ka ge lefase lela le phaphamala tikologong, go dikologa ka sefahlegong sa letšatši le gape, letšatši lela le tla... le filwe thomo ke Modimo, go tsoga ka mahlasedi a lona a borutho, bophelo bjola bja dimela.

²⁶ Gomme feela ka pela ge nako e phaphamala tikologong, go fihla Bokagosafelego bo hlabo gape, gomme M-o-r-w-a o tsoga ntle kua, se sengwe se ya go direga. Ona maphelo ohle ao a nontšitšwego ka go Yena a tla tsoga gape. E no swanela go direga. Ga go tsela ya e ka ba efe tsela ye nngwe. Le bona Mohlodi a itlhagiša Yenamong ka tlholong ya Ğagwe? Le a bona? Seo ke se Modimo a se dirago. Gomme re ka kgona go lebelela ntle, mang kapa mang yo a—yo a lego bohlale seripa, a kgona go lebelela ntle le go bona Modimo yola, gore Bokriste bjola bo theilwe godimo ga tsogo.

²⁷ Bjale, ge ke lahlela seripa *se* godimo ga lebato, bjale, se ile fase. Gomme ke tla godimo mo gomme ke topa selo se sengwe sa go swana. Bjale, yeo ga se tsogo. Seo ke go bea legatong. Eupša, tsogo, ke go tliša *se* sa go swana godimo. Gomme re tla morago gape. Feel... O bjala thoro ye serowlana ya lehea, e tla tšweletša thoro ye nngwe ye serowlana ya lehea. Le a bona? Gomme re ya tlase, ba ba hwago, ba tsoga ba sa hwe. Gomme re thabetše seo kudu lehono. Gomme seo ke... Kholofelo yohle ya rena ya Bokriste e agilwe thwi fao, thwi fao, go nnoši.

²⁸ Kafao, go tla mmogo le go dula ka mafelong a Magodimong ka mokgwa wo ka go Kriste Jesu, a monyetla o lego go rena bohole, baswa le batšofe, ba lebeletše nako yela ge Jesu a tla tla.

²⁹ Bjale, le phuthego boka ye, le Moya wa Modimo ka fa ka tsela ye O lego, nka kgona go bolela go fihla ka iri ya senyane bošegong bjo, goba iri ya seswai, nako go dira tlase go kereke ya Foursquare, gomme ba sa ikwela gabotse. Eupša re swanetše go fa tsela. Ga ba nyake dinawa go tlabolwa, le go ya pele, le a tseba. Kafao re no tla ka gare bakeng sa nako ye nnyane ya kopanelo, le go ba mo. Ngwanešu yo wa go ratega le mohlape wa gagwe wo monnyane, bao le diiletšego fa. Gomme re tla ka gare go abelana ka tlase ga mohlare wa lena, go dula fase le go ba le kopanelo ye nnyane.

³⁰ Kafao a re baleng Lentšu tsoko go tšwa Beibeleng ya Modimo, le go tsea feelsa sehlogo se sennyane le—le go bolela lebaka la dinakwana di se kae. Pele re dira seo, a re nong go inamiša dihlogo tša rena le go bolela le Mongwadi wa Le, pele re batamela Lentšu la Gagwe.

Ke a makala bjale, ka dihlogo tša rena di inamišitšwe, ge go ka ba le kgopelo felotsoko ka moagong, yeo o ka nyakago go e bolela, pele ga Modimo? O e boloka ka pelong ya gago, gomme e no phagamišetša diatla tša gago godimo, nakwana feelsa. Modimo a go šegofatše.

³¹ Tate wa rena wa Legodimong, ka nnete re batho ba ba nago le monyetla mosong wo, ka sefahlegong sa lefase le le fetogago. Gomme re swere seatla sa Modimo wa go se fetoge. Dinako di ka no fetoga, eupša Yena ke wa Gosafelego. Gomme Lentšu la Gagwe le ka pelong ya rena. Ke Magomo a dikgopolole tša rena—tša rena. Ka mehla di hlehlela morago go Lentšu lela. Ga go kgathale moo re hlahlathilego, e tla morago go Lentšu. Ke kota ya go tlema ka pelong ya rena. Re leboga seo kudu.

³² Ke a Go leboga, Morena, bakeng sa lefelo le lennyane le ntle mo ka Forty-Fourth Street, moo Ebangedi e rerwago le lefelo leo le gafetšwego, gomme batho ba gafetšwe go Wena. Gomme ke a rapela gore ditšhegofatšo tša Gago di tla ba le bona ka mehla. Ba oketše ka tsebong ya Lentšu la Gago le ya mogau wa Gago, gomme ba fe dilo tše botse tša bophelo, le Bophelo bjo Bosafelego, gore bohole re tle lefelong le tee, Legodimo le legolo lela, letšatši le lengwe ge Jesu a etla.

³³ Re šegofatše, mmogo. Gomme lebelela diatla tšela, Tate, tše di phagamišitšwego dinakwana di se kae tša go feta. Tlase ka tlase ga seatla sela go be go le le—le lebaka la go beng ga lona. Ke a rapela, Modimo, gore Wena Yo a tsebago diphiri tša pelo o tla fa kgopelo yeo. Ke neela thapelo ya ka le tša bona, godimo ga aletara ya Gago lehono. Araba, Tate. Ke rapela Leineng la Jesu.

³⁴ Šegofatša Mantšu mosong wo. “Dikeleletšo tša dipelo tša rena di amogelege go Wena.” Šegofatša Lentšu la Gago ge re Le bala. Le dinoutse tše nnyane tša dikgwewkgwe, tše re tla Le hlathollago. O be le rena le go re thuša. Gore, ge re tloga fa, re ka no ya le go re, “Dipelo tša rena di swele ka gare ga rena, gobane re kwele dipina tša Tsione, bopaki bja pelo, gomme Lentšu le pakile go pelo ya rena.” Leineng la Jesu. Amene.

³⁵ Bjale, makga a mantši, ke no rata go bolela. Gomme ga ke kgone go dira bontši kudu bja yona, go nyakile go ba lesomepedi bjale. Gomme kafao re ya go le kgopela, mohlolmongwe, go phetla ka Mangwalong, ge le ka rata go—go bala Mangwalo le rena, goba go le maraka.

³⁶ Sa pele, ke nyaka go bala go tšwa go Puku ya Diema. Ke a dumela gore ke phetlile go yeo mosong wo, ge ke be ke puruputša tikologong. Diema, tema ya 18 gomme temana ya 10.

Leina la MORENA ke tora ya go tia: baloki ba tšhabela ka go yona, gomme ba bolokega.

³⁷ Gomme ka gona ka go Jesaya 32:2, ke nyaka go bala ye, 32:1 le 2.

Bonang, kgoši o tla rena ka toko, gomme mokgoma o tla buša kahlolong.

Gomme motho o tla ba bjalo ka lona lefelo la bokhuto go tšwa phefong, le lefelobokhuto go tšwa ledimong; bjalo ka dinoka tša meetse ka lefelong la go oma, bjalo ka moriti wa leswika le legolo ka nageng ye e lapilego.

³⁸ Se se ka no bonala bjalo ka sehlogo sa go tlaba kudu, go goga mafetšo a go tšwa go sona, eupša ke nyaka go tšeа thuto mosong wo ya: *Go Tloša Kgatelelo*. E bonala e swanela ka letšatsing le. Gomme ke tsogile thari bosegong bja go feta, gomme—gomme e ka ba, tikologong, magareng ga iri ya lesomepedi le ya pele, ke be—ke be ke leka go nagana, “Bjale, ke ya kae mosong?”

³⁹ Gomme ba mpoditše, “Godimo go Church of God ye nnyane yela o nagannego e be e le ye botse kudu, godimo kua ka Forty-Fourth Street goba Avenue, efe kapa efe e lego yona.”

⁴⁰ Gomme ke rile, “Oo, ke elelwa seo.” Gomme ke naganne, “Ke tla reng?” Ke rile, “Gabotse, bjale, ke elelwa nako ya mafelelo kua, ke nno ikwela ka gae bjalo, go no iketla.” Gomme ke naganne, “Yeo e tla ba sehlogo se sebotse, feela, ‘Go tloša kgatelelo.’ Seo ke selo se sebotse go bolela ka sona, go tšwa go kereke ye nnyane yela, mosong.” Gomme bjale... Gomme ke ngwadile fase dinoutse di se kae tše nnyane mo, tše nka swayago ka tšona dinakwana di se kae.

⁴¹ Gomme re phela ka letšatsing la kgatelelo ye ntši. Mogohle, yo mongwe le yo mongwe o ne ngangego kudu. Gomme go theoga mokgotha ka koloi ya go fiša, gomme ga ba kgone go letela lebone la ema, gomme, le a tseba, le go le thula. Ba... Ga ba ye felo, le gatee, ga ba ye. Ba no ba ka thata ka mo ba kgonago go kitima, eupša go no kitima go leba Bokagosafelego, ke sohle ke se tsebago. Gomme ba... Gomme le swanetše go šetša ka tsela ye le ka tsela *yela*. Gomme—gomme—gomme gona ke... Ke rile, “Go no ba magoro a mabedi a batho a phela tlase fale, gomme ao ke ba phelago le bahu. Gomme bona bao ba sa phelego, ba hwa ka pela.” Gomme ke—ke... Nna! Kotsi go bolokega, matšatši a, go a itlhaganelwa, go a kitengwa.

⁴² Phelopelo? Oo, nna! Mohumagadi yo monnyane wa go šokiša, maabane, ke... Ngwanešu Williams, ke a thankā, o be a sa e hlokomele. Eupša re be re eya go dira go retologa. Re be re ile go bona morwa wa gagwe, gomme o be a se gae. Gomme re be re dira go retologa. Gomme mohumagadi tsoko yo monnyane, re swanetše go dumelela seo, o dirile mohuta wa go swaya gannyane. Gomme, gobaneng, e ka ba mang o swanetše go ba

le, go ba mokgomana go lekanelo go re, “Go lokile, meme. Eya pele. Go lokile.”

⁴³ Eupsa o diregile go retologela go la nngele, a retologela pele ga moisa tsoko, gomme, oo, nna. Sefahlego sa gagwe se be se le se sehubedu, gomme o butše lefastere, gomme a no bolela se sengwe le se sengwe. Nnete, mohumagadi yo monnyane o be a no kgoromeletša moriri wa gagwe godimo le go ya pele. O... Le a bona? Gomme o eme thwi mo mokgotheng, o nyakile go re swara, le a bona, go no hwetša go mo kgakgamolla.

⁴⁴ Oo, ke nako ya go šiiša! A ga se yona? Re ya kae? Go itlhaganetšwe eng? Re be re tlwaetše go namela pere ya kgale go dikologa khona, re tsea nako ya rena, re phetše boteletšana kudu. Gomme re batho ba mohuta wa go swana. Gomme ke rena bao, oo, yo mongwe le yo mongwe o kgoga sekerete, o no—o no se maula.

⁴⁵ Tlase ka Tucson, beke ya go feta, ke hlokometše bana ba eme. Mosetsana yo monnyane, selo se sennyane se sebotsana, o be a le e ka ba mengwaga ye lesome bogolo. Gomme yena, dithama tša gagwe tše dinnyane, tšohle di be di phobetše. Gomme wa gagwe wo monnyane, moriri wo moso, moisa yo monnyane wa go bogega go ratega. Gomme o be a eme tikologong, a kgoga sekerete pele a tsena ka gare. Bjale, ngwana yola go molaleng o bile le TB, mohlomongwe go no phuhlama ga megalatšika. Bjale, mohlomongwe lebaka le a kgogilego, mmagwe o kgogile pele ga gagwe.

⁴⁶ Ke be ke le ka go Pontšho ya Lefase ngwaga wo, gomme ke a thank a bontši bja lena le be le le. Gomme ke ipshinne ka selo se tee, seo e be e le Kamora ya Dihlare. Gomme ge ba be ba le fao, ba netefatša se go kgoga go se dirago, ba bile le Yul Brynner ye, gomme—gomme o be o le fao, ba e lemogile. Gomme ba tsea sekerete, gomme ba se bea godimo ga—ga selo, gomme ba gogetše muši ntłe, gomme ba o iša ka lehlakana go kgabaganya tshetla ya mabolo wo mošweu, gomme ba phumula nikhothini yela ka seripa sa katune, gomme ba e bea godimo ga mokokotlo wa legotlo. Gomme ka maſatšing a šupa fao go be go le kankere ye ntši kudu, legotlo le be le sa kgone le go sepela, go tšwa go nikhotine ya sekerete se setee.

⁴⁷ Ka gona ngaka o rile, “Le kwele batho ba re...” Gomme o se retolotše, le go se bea ka tlase ga tšhupu, gomme a dira muši wo o kgoromeletšwe godimo go kgabola mohuta tsoko wa khemikhale, gomme go be go le mothalo wo mošweu. O rile, “Kankere ſeo.”

⁴⁸ Ka gona o rile, “Le kwele batho ba re, ‘Ga ke o hemele ka teng.’” Kafao o o gogetše ka molomong wa gagwe ka mokgwa woo, a o maulela ka gare, gomme morago a bea molomo wa gagwe godimo ga tšhupu ye gomme a o budulela godimo, gomme fao be go se le e ka ba eng ya yona, le gatee. O rile, “Kankere

e kae? Ka molomong wa ka. Ke e meletša go theoga go kgabola mogolo wa ka. E topa, mogolo wa ka, gomme e ya ka mogodung.” Gomme ka gona e be e le bokaonekaone bja lefase, elelwang.

Gomme ka gona o ya pele le go re, “Batho ba re, ‘Šomiša ntlha ya mohlotlo.’”

⁴⁹ Le kwele seo, “Mokgogo wa monna wa go nagana,” goba mohuta tsoko wa selokene. Ge monna a nagana, le gannyane, a ka se kgoge, le gannyane. Uh-huh. Ga se monna wa go nagana; ke monna wa go se nagane, a ka kgogago setee.

⁵⁰ Eupša, o gogile motšoko wo. O rile, “Bjale, le a bona, selo se nnoši e lego, ke setšhaba ga botswererere go lekanelo go swara se, gomme efela re swanetše go ba batho ba bohlale.” O rile, “Ge o se na le muši, ga o hwetše dipolo. Gomme ge o na le muši, o swanetše go ba le sekontiri go hwetša muši. Gomme sekontiri ke moo kankere e letšego. Go tsea sekontiri go dira muši.” Gomme o rile, “Selō se nnoši, go di kgoga ka dintlha godimo ga tsona, o kgoga e ka ba tše tharo, go hwetša kgotsofalo ya se tee nako ye nngwe. O na le boleng bja go swana ka go wena, tlwa.” Le a bona? Gomme setšhaba sa Amerika se nyaka mmutla go tšwa kefeng. Ba o hweditše. Yeo ke nnete. Ke lena bao. Le a bona?

⁵¹ Gomme ka gona ge ba tlišitše legotlo lela ntle. Ba tlišitše le letee ntle, matsatši a mangwe le a mangwe a šupa. E be e le ponagalo ya go lebega go tšoša kudukudu nkilego ka e bona. Go be go le moisa yo mogolo gagolo a dutše hleng le nna, o rile, “Fše,” mphufutšo o kitima go tšwa go yena. O rile, “E ratha kudu!”

Ke rile, “A o a kgoga?”

O rile, “Ee.”

⁵² Ke lena bao, eupša efela, re ya thwi pele go e dira. Gobaneng? Re leka go hwetša se sengwe go homotša, seedibatši tsoko. Go bonala o ka re lefase le ka go lebelo la godimodimo, gomme ga ke tsebe se—se ba se rago.

⁵³ Eupša go na le seidibatši sa Bokriste. Go na le o—o opiumo, e tšwa go lili. Gomme kereke ya Bokriste e na le ophiamo ye e itšego, gomme e tšwa go Lili ya Moeding. Uh-huh. E okobatša mahloko ohle. Gomme go fedile nako yeo, ge o hwetša opiumo ye ya Bokriste. Beine ye mpsha ye yeo ba bilego le yona ka Letšatši la Pentecost, le a bona, e okobatša bohloko.

⁵⁴ Batho, ba swele kudu, gomme ba dira dilo tšeob a sa swanelago go di dira. Sebakeng sa go leka go fediša sehlola, ba no bea sehlola se sengwe le sona. O ka se tsoge wa hwetša kalafi go fihla o fediša sehlola.

⁵⁵ Motho o leka go hwetša selo se sengwe go kgotsofatša, gomme o a nyorwa. Gomme Modimo o mo dirile gore a nyorwe. Gore, o agilwe ka tsela yeo, eupša Modimo o mo agile ka tsela yeo gore a nyorelwé ka morago ga Gagwe. Eupša o leka go e kgotsofatša, le go homotša pitšo ye kgethwa yela ka go yena,

ka dilo tša lefase. Gomme ga re ne tokelo go dira seo. Bjale, eupša batho ba dira phošo, kgafetšakgafetsa. Sebakeng sa go ya lefelong go tloša sehlola, re leka go se homotsa ka seidibatsi, le bjala, le go kgoga, le go bea bontsi go sona, go se pakelanya godimo, nako yohle, go se dira se be se sempempe. Gomme sohle se se aga feela kgatelelo. Se no e gakatša gampe, nako yohle. E sego telele go fetile . . .

⁵⁶ Lena, bohole—bole ba lena mohlomongwe le a tseba gore ke dira go thunya senepša go gontsi le go tsoma. Seo ke se ke nago le sona bjalo ka setlošabodutu. Ngwanešu tsoko o be a rometsé godimo go—go Khamphani ya Weatherby gomme o be a tšere mo—mo motlolo wa 70 Winchester, bjalo ka ge badirišani ba ka ba bangwe ba go tsoma ka fa ba tla tseba. Gomme e ile ya borelwagape go Weatherby magnum .257. Art Wilson o fa Billy Paul sethunya, gomme ke wa letsogo la nngele. Gomme se bile le pouto, gomme o nno mpha sona.

⁵⁷ Moisa yo mongwe o tlide ka gare, o rile, “Ga o ne Weatherby, kafao ke tla go borela yona gape.”

⁵⁸ Gomme go e borelenggape, ba be ba sa nyake go e amogela, eupša ga se ba e borelagape gabotse. Gomme se ba se dirilego, morago . . . Lena bahlahledi ba seatla le a tseba, gore, morago ka morago ga ntikodiko e be e hwetsa kgatelelo. Gomme ge ke thuntšhitše ditikologo di se kae tša dikolo ka go yona, ke lemogile karolomorago ya kolo e be e gogela morago, gomme go be go ne kgatelelo. Gabotse, ke tsebile kolo e be e laisitšwe ka go felela ka tlase ga morwalo wa godimo, kafao e be e ka se kgone go hwetsa kgatelelo go tšwa go yeo. Eupša e be e se ya borwa gabotse.

⁵⁹ Gomme kolo ya go latela ye e bego e robetše godimo, ge e be e se ka Modimo, nkabe ke lahlegetšwe ke bophelo bja ka. E no, sethunya ka moka, se thuthupile le go thuntšha mehlare go ntikologa, ka mokgwa woo. E ka ba bogodimo boka moago wo, mollo wo mohubedu o laumile. Gomme molongwana wa raborolo o ile ntle monabo wa jarata tše masometlhano, gomme pouto e ile godimo ga hlogo ya ka morago, ka tsela *ye*. Sekoupo se thuthupile, bokgauswi *bjola* go mahlo a ka. Gomme—gomme ga se ke be le selo ka seatleng sa ka; se nno rathagana.

⁶⁰ Madi a tsorotla tsela ye nngwe le ye nngwe, go tloga go ntikologa, gomme re be re le kgolekgole le ngaka. Gomme ba mpone. Gomme ke be ke sa kgone go bolela goba e ka ba eng. Gomme ke be ke swere madi ka gare, ka mokgwa *wo*. Ke a tšere, gomme a no thanthshela gohlegohle godimo ga ngwanešu a eme fale, gomme ke se beile morago.

⁶¹ Ke rile, “Morena Jesu,” ka pelong ya ka, “Wena o Mofodiši wa ka.” Ke tšeetše seatla sa ka fase. E be e le go tlogela.

⁶² Kafao bothata e be e le eng? Sethunya se be se leka go thunya kolo yeo ka kgonthe e bego e se ya direlwa sethunya. Ge sethunya se ka be se be se agilwe go tloga mathomong, Weatherby

Magnum, se ka be se se sa rathaganywa. Eupša se be se leka go bea kolo ya Weatherby ka go raborolo ya Winchester, gomme e ka se šome.

Gomme le bona mabadi tikologong *fa* le godimo ga mahlo a ka, gomme diripa tše lesometlhano di ile feelsa ka tlase ga pono. Ge ngaka e lebeletše ka leihlong la ka, o ngwaletše morago go mogwera wa ka, ngaka. O rile, "Selo se nnoši ke se tsebago, gore Modimo o be a dutše godimo ga panka yela le mohlanka wa Gagwe. Monna yola o be a na le yena, ntle go... a bitša methunyo, o be a no swanela go hwetšwa go tloga lethekeng la gagwe go theoga." O rile, "Modimo o be a na le yena." Gomme o rile, "Mothunyo, di—di diripana tša karolomorago ya kolo, di beile diripa tše lesometlhano thwi ka morago ga ntaka ya leihlo, feelsa ka tlase ga pono." Ga se nke tša ntshwenya nthathana e tee. Matšatši a mabedi goba a mararo ka morago, sefahlego se be se lebega bjalo ka hambeka, se be se omile sohle gomme se ile.

⁶³ Eupša e be e le eng? E be e le ka gobane e be e le kolo ka go sethunya seo e bego e se ya se direlwa. E be e agile kgatelelo. Bjale, ge sethunya se dirilwe, gomme ka go seswaro se moo kolo e ngwegelago ka gare go tloga go makasini go ya ka go molongwana, kamora, ge kamora yela e ka be e dirilwe ka maleba, e ka be e ile ya swara kgatelelo. Gomme kgatelelo e ya ntle ka tsela ye. Eupša sebakeng, e be e hlephile. Gomme kgatelelo yela, kolo ka go fokola go feta molongwana, ka nnete, e thunyeditše ka tsela *ye*, gomme ya thunyetsa sethunya morago ka tsela *ye*.

⁶⁴ Molongwana ga se wa gobala; se nno o ragela kgole. Nnete, ka go feleta se kgeitše se sengwe le se sengwe go tloga go se dikologa. Se ka se sa šomišwa gape. Eupša legapi le be le sa gomaretše ka molongwaneng. Le a bona, e be e se... Bjale, ge e ka be e be e le kolo ye e hlahlętšwego go feta tekanyo, e ka be e phatlotše molongwana. Eupša, le a bona, ka fa, karolo ye kotokoto ya sethunya, e thunyeditše morago ka tsela *ye* gomme ya thula senotlelo go tlemologa. Bjale, ge se ka be se agilwe, Weatherby Magnum, se ka be se se sa tsoge sa rathagana. Se be se leka go bea se sengwe ka go se sengwe seo se bego se se sa fale.

⁶⁵ Yeo ke tsela ya boitemogelo bja Mokriste, ge batho ba leka go bea bja go tonya, boipolelo bjo bofomale ka go Kereke ye maatla ya pentecostal, goba boitemogelo, ntle le ge motho yoo a agilwe go tšwa mobung, a agilwe godimo, a tswalwa gape, a mpshafatšwa. Baekiši ba lehono, ba ya go dikologa, ba leka go ekiša go bolela ka maleme, ba leka go ekiša *ye* le go ekiša *yela*, dimpho, ge ba se ba tswalwa gape.

⁶⁶ Gomme ge ba tswetšwe gape, ga ba kgone go ekiša, ka baka la gore ba agilwe bakeng sa dilo tše. Ba tswetšwe, ba mpshafaditšwe, ba kgolokilwegape; e sega feelsa se sengwe seo se tšhesitšwego, le go šikinya diatla, le go ba le maikutlo, le go bina

go dikologa aletara makga a se makae, le go re, "Ke e hweditše." Ke se sengwe seo se kgolokilwegogape, le go tswalaboswa, le go ba sebopša se seswa. Gona e ka kgona go emela kgatelelo ya tlaišego le dilo tše di lateLAGO bophelo bja semoya. O swanetše go dirwa le go agwa go emela kgatelelo. Gomme selo se tee feela se ka kgona go e dira. Ke ge o etla ka ntlong ya Modimo ya go kgoloka, gomme wa kgeilwa le go agiwagape, sebopiwa se seswa ka go Kriste Jesu.

⁶⁷ Ke be ke le ntle sepetlele mo, e sego telele go fetile, gomme ke—ke be ke eya go rapelela mohumagadi. Gomme go be go le mohumagadi yo mongwe a robetše kgauswi le yena. Gomme ke mmone a tšhogile gohle, gomme ke be ke thoma go bolela ka thapelo. Gomme ke rile, "Gabotse, re tla inamiša dihlogo tša rena bakeng sa thapelo," ke boletše.

⁶⁸ O rile, "Ema motsotsotso! Ema motsotsotso! Ema motsotsotso! Goga garetene yeo."

Ke rile, "Ee, meme." Ke rile, "Ke be ke eya feelago rapela."

Gomme o rile, "Goga garetene yeo."

Ke rile, "Ee, meme. A ga o modumedi?"

Gomme o rile, "Re Mamethodist."

⁶⁹ Ke rile, "Gabotse, seo ka kgonthe se hlagiša se ke se botšišitšego." Le a bona? Ya. Ya. Ya. Le a bona? Ya. Ga se nke ka tsoge ka mmotšiša lotše ye a bego a le wa yona. Ke mmotšišitše ge eba o be a le modumedi. Le a bona?

⁷⁰ Dilotše tšohle tše di dira re hlakahlakane gohle. O ka se kgone go tšoena kereke. Ga go selo se sebjalo. O ka kgona go tšoena lotše. O ka kgona go tšoena lotše ya Methodist, lotše ya Baptist, lotše ya Presbyterian, goba lotše ya Pentecostal. Eupša o ka se kgone go tšoena Kereke. O swanetše go tswalwa. Leo ke lebaka, le na le go thunya go gontši kudu. Le a bona? Kgatelelo e a agega, gomme fao le a ya. O re, "Gabotse, ke nna wa ye." Eupša seo ga se re . . .

⁷¹ O swanetše go tla godimo go tšwa mobung, godimo, go emela kgatelelo ya letšatši le. Ge Modimo a bea maatla a Gagwe a magolo a Moya wo Mokgethwka kua, bokaonana o tsebe se o se dirago. Bokaonana o be komana bakeng sa yona.

⁷² Bjale, ge o—ge o le mohuta wa go boragape se sengwe, wa re, "Ke letile bošego bjohle bakeng sa mpho," bokaonana o hlokomele. E ka no thuthupa, le a bona, gomme e tla thunyetša morago.

⁷³ Ke etla sepetlele, ka gopola, ke be ke etla tlase bošego bjo bongwe, gomme—gomme go rometšwe go nna . . . E be e le Ngwanešu Neville, mogala wa modiša, gomme ke—ke—ke o tšere, gobane ke be ke etšwa Louisville. Gomme o rile mohumagadi o be a le gampe kudu. Gomme ke ile ntle sepetlele fale ka Jeffersonville, gomme go be go le mohumagadi fale. Gomme

ke...Ba mpoditše, “Eya kamoreng 322. Mohumagadi o be a le fao.”

⁷⁴ Ke sepeletše ka gare. Ke rile, “A go na le ya a ‘mane’ malao, phapoši ya balwetši?” Ke rile, “A go na le mohumagadi, *Semangmang*, mo?”

“Aowa, mohlomphegi. Ga a mo.”

Ke rile, “Go molaleng ke dirile phošo. Ntshwareleng.”

⁷⁵ Gomme ke sepeletše morago ntle. Gomme mooki o be a etla go theoga holo, gomme o be a le mohuta wa go itlhaganel. Ke rile, “Mohumagadi, a o ka kgona go mpotša ge mohumagadi tsoko a le godimo fa mo phapošing ye ya balwetši, goba moo a lego?”

⁷⁶ O rile, “Ga ke ne nako go dira dilo boka tše. Gomme a ga o kgone go bona ke itlhaganetše?”

Ke rile, “Ntshwarele.”

⁷⁷ Ke sepeletše godimo tesekeng, gomme—gomme mohumagadi o be a dutše fale mo tesekeng, mooki. Gomme ke rile...O be a ngwala se sengwe. Ke tšwetšepele ke letile. O lebeletše godimo go nna; o nno tšwelapele a ngwala. Gabotse, ke letile go dikologa metsotso e se mekae. Ke rile, “Mantšiboa a mabotse.” Ga se nke a bolela selo. Gomme ka gopola, “Go lokile?” Ka re, “A o ka kgona go mpotša fao mohumagadi tsoko a lego gona? Ke...Ke nna modiredi. Ke rometšwe fa go lefelo le itšego, go kamora 322, ba mpoditše.”

Gomme o rile, “Gabotse, gona eya kamoreng 322.”

Gomme ke rile, “Mohumagadi, ke bile kamoreng tharo-...”

O rile, “Gobaneng o mpotšiša, gona? Eya tesekeng lebatong la ka fase.”

Ke rile, “Gabotse, ke a go leboga.”

⁷⁸ Ke thomile go theoga materapo, gomme ke ile tlase kua. Gomme ke botšišitše mooki lebatong. O be a sa tsebe selo ka yona.

⁷⁹ Mo go tla ngaka ye nnyane, tlase go kgabola lebato, le distereosekoupu tša gagwe ka seatleng sa gagwe, a di dikološa go dikologa le go dikologa, ka mokgwa *wo*. Bonnyane...ga se ka ke ka tsoge ka bona monna wa go nona bjalo! O be a le—o be a le...Ka potego, ke a dumela o be a le mphaphati go feta a be a le botelele. O be a sepela...goba, o be a le godimo, a ke re. Kafao o be a sepela go theoga, a dikološa distereoskopu tše ka diatleng tša gagwe. Gomme ke rile, “Ntshwarele, ngaka. A o ka kgona go mpotša moo...”

O rile, “Ee, ee, e morago, ka tsela *yela*,” o boletše.

“Ke a go leboga, mohlomphegi.”

⁸⁰ Ke ile pele go theoga ka tsela ye nngwe. Ke naganne, “Gabotse, bjale, ke ya go dira eng?”

⁸¹ Gomme o ile tlase, a dula fase ka morago ga teseke. Gomme ga se ke bone yo mongwe gape. Ke naganne gabotse nka no sepelela godimo le go mmotšiša gape. Ke rile, “Ntshwarele, mohlomphegi.” O nno tšwelapele a lebeletše se sengwe gape, le a tseba. Gomme ke rile, “A . . . Ke nyaka go tseba moo kamora . . .”

O rile, “E morago ka tsela *yela*.”

Ke rile, “Kamora 222, ga ke kgone go hwetša ke ye ka tsela efe.”

O rile, “E no ya ka tsela *ye*, le ka tsela *yela*. O tla e hwetša.”

⁸² Ke eng? Kgatelelo, le a bona, kgatelelo e agilwe. A ka no ba a etšwa go karo. A ka no ba a naganne gore o be a . . . gore ke be ke se ka swanela go mmotšiša seo. E be e le ka ntle ga diiri tša go etela, ka therešo. Ka gona o naganne, “Feela moreri tsoko. A a ye.” Le a bona?

⁸³ Lefase le nno agwa godimo ga kgatelelo. Le ya go phatloga, le lengwe la matšatsi a. Lefase, le agilwe go tlala kgatelelo, gomme dingaka ga di tsebe di dire eng ka yona. Boramenagano ba na le boramenagano ba a ba alafa. Yeo ke nnete. Ga ba ne karabo, eupša Modimo o a dira. Modimo o ne karabo go sohle se.

⁸⁴ Ka go Testamente ya Kgale, ge monna a dirile se sengwe sa phošo, bjale, e be e le leino bakeng sa leino, le leihlo bakeng sa leihlo. Gomme ge monna yo a dirile se sengwe sa phošo, o be a ne lefelo la go phonyokga. Ke a dumela Joshua o be a agile dintlo tša botšabelo. Gomme ge batho ba dirile se sengwe sa phošo, gomme ba be ba swanetše go bolawa, eupša ba be ba ne lefelo la botšabelo moo motho yo a ka go tšhabelago go lona, toropokgolo ye ya botšabelo. Gomme o be a bolokegile ge nkabe bahломари ba gagwe ba be ba ka se mo fete pele a fihla kua. O . . . Eupša ge bahломари ba be ka mo feta, ba—ba be mmolaile, tseleng.

⁸⁵ Eupša ge a be a fihla kua, gomme ge a be a dirile bosenyi bjo e se ka boomo gomme a be a ka kgona go phophotha bosenyi bja gagwe, le go bontšha gore o—o be a le maswabi gore o bo dirile, gona a ka kgona go tlišwa ka go toropokgolo ye ya botšabelo, gomme bahломари ba be ba ka se kgone go tsena toropongkgolo. Aowa. O—o be a bolokegile. A maikutlo ao a swanetše go ba a bile, go tseba gore o dirile se sengwe seo—seo se bego se fošagetše, gomme o a tseba se be se le phošo, eupša go na le lefelo moo o ka se sa swanelago go tshwenyega gape, o ya ka go lefelo le gomme wa bolokega.

⁸⁶ Bjale, ge motho a e dirile ka boomo, gabotse, gona o be a swanela go . . . Yena, o be a ka se kgone go tsena. Ge a ka be a be a dirile polao ka boomo, tshekø ya gagwe e be e sekwa kgorong.

Gomme yeo ke . . . Eupša motho yo a nyakilego, gomme a se a e dira ka boomo . . .

⁸⁷ Go no swana le ge nka fa seswantšho sa yona. Ge motho a dirile phošo, gomme ka kgonthe o nyaka . . . yena, o maswabi gore o dirile sebe, go ne lefelo la botšabelo. Eupša ge a no se tshwenyege, gona ga go ne lefelo bakeng sa gagwe, gobane a ka se e amoge. O dirile swele, gomme o be a nyaka go dira, ga go se sebaka go bona. Gomme seo se swana le ka fao go lego lehono.

⁸⁸ Gomme ka gona, selo e be e le, ge a be a dirile phošo o swanetše go nyaka lefelo la botšabelo. O swanetše go nyaka go ba kua.

⁸⁹ Gomme seo ke sekai se sebotse kudu sa kereke lehono le batho. Motho o swanetše go nyaka lefelo la botšabelo. O swanetše go ikwela tlhoko ya gago ya lona. Eupša ge o nagana o nyaka go lwa dintwa tša gago mong, eya pele. O a bona? Eupša o na le nnete go swarwa ke bahlomari ba gago. Eupša letšatsi le lengwe e ya go go hwetša. Eupša ge o nyaka lefelo . . .

⁹⁰ Gomme ka gona ge monna a nyaka lefelo, gomme a hwetša lefelo, o swanetše go be a rata go dula fao. Ga o sa ya ka ntle gape. O dula fao, ka gona o bolokegile ge o sa le fao. Oo, a kimollo ye e swanetšego go ba e bile, go hwetša lefelo. Ka pela ge o tsena dikgorong, gomme dikeiti di tswalela ka morago ga gago, ke be ke tla kgotsofala. Ee, mohlomphegi.

⁹¹ O swanetše go nyaka go dula fale, ga go pelaelo; o sepela tikologong gomme o re, “Oo, gabaneng nkile ka tla ka fa?”

⁹² Bjale, yeo e no ba tsela ye batho ba dirago lehono. Ba re ba nyaka go lokologa go tloga go matshwenyego a lefase, gomme morago ba tsena ka go . . . magareng ga badumedi, gomme morago ba re, “Bjale, ge ke eya go swanela go tlogela se, ge ke eya go swanela go dira sela, ge eba ke ya go swanela go lefa sa lesome, ge eba ke ya go swanela go dira tše, le dilo tše dingwe tše, ka fao, oo, nna! Eng?” Le a bona? Ka gona monna yola, a belaelago, o be a bewa morago ntle gape, o ithuše wenamong. Eupša ge a be a ka . . . O swanetše go kgotsofala, gomme a se belaеle.

⁹³ Oo, ke rata bjang go bolela se! Ga se ka tsoge ka nyaka go ya ntle gape. Oo, ke Legodimo, go nna, go dula ka mafelong a Magodimong ka go Kriste Jesu, le banna le basadi ba ba tšhabišitšego bophelo bja bona, go tloga go dilo tša lefase, gomme ba kgwapareditše soulo ya bona ka lefelong la go khutša. Oo, a kopanelo! Oo, a thabo Kgethwa! Go itshama godimo ga Letsogo la Gagwe la go ya go ile, kgatelelo yohle e ile. Ga ke boife selo, amene, gobane ke bolokegile ka go Kriste.

⁹⁴ “Ke Yena Tora ye maatla, baloki ba tšhabela ka go Yena gomme ba bolokega. Ke Yena Leswika mo nageng ye e lapilego, Seširelo mo nakong ya ledimo.” A lefelo go ba! Ga—ga ke bone selo go belaela ka sona. Pelaelo e nnoši ke nago le yona, gabaneng ke se ka e dira nako ye telele pele ke dira? Ke letile go fihla ke be

ke le e ka ba lesomesenyane, masomepedi a mengwaga bogolo. Ke be ke swanetše go . . .

⁹⁵ Moisa tsoko o kopane le nna letšatši le lengwe, moisa yo moswa. Gomme ke be ke bolela ka ye, kgobogo ye ya bahumagadi ba ntle mokgotheng, ba apero diaparo tše, go lebega boka banna. Gomme ke be ke e bea godimo ga boima gabotse. Moisa yo moswa o kopane le nna go tšwa mojako. O rile, "Motsootsa feela."

⁹⁶ Gomme go direng wo fa motantsho, le a tseba, go menekana, go roba maoto a bona, le se sengwe le se sengwe. Ke rile, "Ke bogafa." Gomme ke rile, "Mokriste wa kgonthe . . . Ge seo se le ka pelong ya bona, gomme ba tteleima go ba Mokriste, dikenya wa tša bona—tša bona di bontšha se ba lego." E laetsa go se be le selo, go monna goba mosadi e ka ba mang go leka go ikgotsofatša ka bobona godimo ga dilo tša—tša lefase, dipodiša tša lefase; go leka go ikgotsofatša bonabeng, ge Tsione e tletše bobotse le maatla. Go kgotsofatša, go tloša kgatelelo, gabaneng o ka fetola dijo tša Morongwa bakeng sa dikaliki tša Egepeta, boka Israele e be e nyaka? Oo, go na le lefelo go tloša kgatelelo! Etla ka go lona, gomme o tla bolokega ge o etla ka fale. A selo sa go makatša e lego sona go e tseba! Go lokile. Ga go pelaelo.

⁹⁷ Lesogana le le rile go nna, o rile, "Lebelela, Mna. Branham." O rile, "O monna, bogolo bja mengwaga ye masometlhano." O rile, "Ga o kganyoge bobotse ka go basadi bjalo ka ge o ba bona ba sepela." Ke rile . . . O rile, "Ge o be o le mengwaga ya ka . . ." O be a ka ba masomepedi tlhano. O rile, "Ge o be o le mengwaga ya ka, o be o tla bona go fapana."

⁹⁸ Ke rile, "Morena, ke be ke rera Ebangedi ye ya go swana, mengwaga bonnyane go feta o lego bjale. Ke nno hwetsa se sengwe seo se kgotsofaditšego, se sengwe seo e lego sa kgonthe, se sengwe, gore se sengwe le se sengwe gape se foufetše."

⁹⁹ Ke ka gare ga Tora. Ga ke na le ditumo tša ebile go lebelela ka ntle. "Yo a beago diatla tša gagwe go mogoma, gomme ebile a retologa go lebelela morago, ga a swanelo go lema." A lefelo go tla! Ee. Ka ntle o a hwa; ka gare o bolokegile. E no tla ka gare gomme o tloša kgatelelo. Seo ke selo se o swanetšego go se dira. Gomme Kriste ke Tora ya rena, ee, lefelo le le filwego ke Modimo la polokego. Joshua o agile dintlo tšela le ditoropokgolo tšela tša botšabelo, gomme Modimo o re agetše toropokgolo ya botšabelo, yeo e ke ka go Morwa wa Gagwe, Kriste Jesu. "Leina la Morena ke Tora ye maatla. Baloki ba tšabelo ka go yona gomme ba bolokega."

Bjale le re, "Go ka reng ge o ka babja ka kua?"

¹⁰⁰ O rwele bolwetsi bja rena, ka go Tora ye re lego ka go yona. O rwele bolwetsi bja rena, ka mmeleng wa Gagwe. Re na le . . .

¹⁰¹ "Gabotse," o re, "go ka reng ge o lapa ge o le ka fale, matshwenyego ohle le dilo?"

¹⁰² Lahlelang matshwenyego a lena godimo ga Gagwe. Go ngwadilwe godimo ga leboto le lengwe le le lengwe, tsela yohle go dikologa, mojako wo mongwe le wo mongwe. “Lahlelang matshwenyego a lena godimo ga Gagwe, gobane O tshwenyega ka lena.”

¹⁰³ Tshepelang go Lentšu la Gagwe le le tshepišitšwego. Mantšu a Gagwe a ngwadilwe pelong ya rena. Dipelo tša rena ke dipapetlana tša Lentšu la Gagwe, bjalo ka Marea le Maria, le bohole mmogo. Le a bona?

¹⁰⁴ Le lehu ka bolona ga le go tshwenye ka fa, ge o le ka go Morena. Gobaneng? O tsogile go tšwa bahung. Ga re ne go tshwenyega ka leo. Lehu le a tla, boka kgaetšedi yo monnyane re bego re bolela ka yena fale. Ge e le nako ya go tloga, a re yeng. Yeo ke mnene. O dira eng? “Re fetola setoto se sa kgale se sebe seo re nago naso, bakeng sa mmele wa go se hwe o dirilwego go swana le mmele wa Gagwe mong wa letago.” Ke mang a bego a ka se fetole ntlo ye ya dilomi bakeng sa se sengwe boka seo? Mpotseng yo mongwe yo a bego a ka se ke. Motšofadi, motho yo moswa, ga go kgathale ge eba o no ba bogolo bja mengwaga ye lesometlhano, goba lesomapedi, goba eng kapa eng e lego yona, lehu le robetše mojako wa gago. Ga o tsebe nako mang. Pelo yela ya motho yeo e rethethago ka mokgwa *wo*, e swanetše go ema, letšatši le lengwe. Gomme e ka no ema ge o le bogolo bja mengwaga ye lesome, bogolo bja mengwaga ye lesomapedi. E a dira, ka dikete, letšatši le lengwe le le lengwe. Eupša ka mo, ka go... Mmele wo re yago go o fetolanya bakeng sa wona, madi ga a o rethethe. Moya wo Mokgethwa o a dira. Gomme o ka se kgone go hwa. Ke wa go se hwe, wa Gosafelego, gomme o ka se kgone go hwa. A tshepišo! Ee, le lehu, e a le swara.

¹⁰⁵ Lebelelang Israele. Bjale, fao go be go etla senthulwane sa lehu go kgabaganya Egepeta, gomme Modimo o dirile sebaka. O ba diretše botšabelo. Gomme O rile, “Tšeang kwana gomme le e bolaye, gomme le bee madi godimo ga kota ya dijakwana le godimo ga mojako. Gomme ge Ke bona madi, Ke tla feta ka godimo ga lena.” Egepeta e e segile, eupša e be e le tsela ye e filwego ke Modimo go tloga lehung. Gomme bjale, ge diphego tše kgolo tšela tše ntsho tša lehu di swietše go theoga go kgabola to-to toropokgolo, le toropokgolo ka morago ga toropokgolo, godimo ga Egepeta yohle, gomme lehu lela le thomile go sepelela ka go ntlo ye nngwe le ye nngwe, gomme megoeletšo e etla godimo; ke kgona go bona Israele, feela go iketla bjalo, ba tloša kgatelelo.

¹⁰⁶ Mošemane yo monnyane a ka sepelela godimo go tatagwe, gomme a re, “Papa, o a tseba, ke nno kwa mokitimi yola a eya go kgabola mokgotha. Johnny yo monnyane yo ke bapadilego le yena tlase kua, o hwile. Gomme, papa, ke nna leitšibolo la gago.”

¹⁰⁷ Go bona tate wa kgale a tsogela godimo, a rola dipaketsane tša gagwe, bjalo ka ge go bile, a bea Beibele ya gagwe fase, a re, “Etlə mo, morwa.”

“Papa, le tla go theoga mokgotha.”

“Tloša kgatelelo, morwa. Etlə mo motsotso. O bona madi ale?”

“Ya, ke a a bona, papa.”

“Gabotse, tloša kgatelelo.”

¹⁰⁸ Junior, ga wa swanelə go sepela ka lebelo go kgabola mokgotha ka koloi ya gago ya go fiša. Ga wa swanelə go dira dilo tše. E no lekola gomme o bone ge eba madi a fale. Tloša kgatelelo. Ge lehu le kokota mojako, le ka se kgone go dira selo.

¹⁰⁹ Go be go se kgatelelo ka Israele. Ba kgonne go tloša kgatelelo, gobane ba be ba bolokegile ka tlase ga madi. Oo, nna! Bošego bjo bogolo bjola bja paseka, ba swanetše go be ba be ba le iketlile, ba tloša kgatelelo, gobane ba kgonne go lekola le go bona ba bile le madi. Gomme ge ba bone madi, ba tsebile O tshepišitše O tla feta bo ka godimo. Oo, ka morago ga ge ba latetše ditaelo tšohle tša Modimo, Modimo o tshepišitše go feta ka godimo ga bona.

¹¹⁰ Bjale, a seswantšho se lego bakeng sa kereke lehono! Bjale ke tla potlaka, eupša ke no swanelə go bea se fase fa, feela motsotso. Lehono re tlogela phuthego e tee kgafetša go ya go ye nngwe, re tsea dipampiri tša rena go tšwa kerekeng e tee, mangwalo a rena, go ya go ye nngwe. Ge Methodist e sa dire se sengwe seo o naganago se be se se sa swanelə go dirwa, o tla le iša go Mabaptist; go tloga go Baptist go ya go Presbyterian; go tloga go e tee go ya go ye nngwe. Le a bona? Bothata ke eng? Go no bontšha gore ga se nke wa ke wa tla go lefelo lela le ga bjale. Ga se wa ke wa tsoge wa tla kua mo o ka kgonago go tloša kgatelelo. Le a bona? O šeditše se sengwe seo o bego o se wa swanelə go be o se šeditše. Bakriste, go tloga go kerekeleina e tee go ya go ye nngwe, go a bontšha gore ga se nke ba tla go botšabelo bjola. Le a bona?

¹¹¹ Ba tloga nako ye nngwe go ya diseminaring. Seo se lokile. Gomme ba ithuta Lentšu feela kgauswi ka mo ba kgonago. Ba tla gae, gomme ba leka go bolela Lentšu lela feela kgauswi bjalo ka ge kerekeleina ya bona e ba dumelə go e dira. Gomme seo ke se sebotse. Eupša seo ga se sona. E sego go tseba Lentšu la Gagwe, eupša go Mo tseba. Yena! Gobaneng, nnete! Ga se bontši bja Lentšu le o tsebago, ke kereke ye botse gakaakang re nago le yona, se kerekeleina ya rena e se rago go lefase, re na le tokologo ye kae ka *ye*, le gore re na le kopanelo ye kae le lefase, ke mohuta mang wa lešaba le re nago le lona le etla. Ke lena. A le ka tlase ga Madi? Ge wena, bjalo ka motho ka motho, ga ke kgathale ge eba yo mongwe le yo mongwe wa phuthego o phošo, o sa bolokegile. O ka tlase ga Madi.

¹¹² Dinako tše dingwe Modimo o go beile ka phuthegong yeo e fošagetšego, go fa Seetša se sengwe. O se tabogele godimo, go no tšwelapele o taboga go tloga lefelong go ya lefelong, go tloga go selo se tee go ya go se sengwe. E no dula ka tlase ga Madi. O ya go kitimela ntle, gona tshireletšo ya gago e ile. Dula ka tlase ga Madi.

¹¹³ “Leina ke tora ye maatla. Baloki ba tshabela ka go yona, gomme ba bolokegile.” Tloša kgatelelo. Re Mmona mo diiring tše re tsebago gore go na le batho ba ba lego ka tlase ga Madi ale. Re e bona e hlatselwa. Re bona Modimo, se A se dirago go hlatsela Kereke ya Gagwe.

¹¹⁴ O tshepišitše e ka ba eng ge re le ka go Tora ye. “E ka ba eng yeo le e kgopelago Leineng la Ka, Ke tla e dira. Ge le dula ka go Nna, gomme Mantšu a Ka ka go lena, kgopelang se le se ratago, se tla dirwa go lena.” A lefelo! Go ngwadilwe, “Dirang dilo tšohle, e ka ba eng le e dirago, e direng Leineng la Ka,” e sego e direng leineng la kereke.

¹¹⁵ O re, “Gabotse, ke fa bopaki gobane ke a leboga bošegong bjo ke nna Mopresbyterian. Ke leboga kudu ke Mopentecostal. Ke leboga kudu ke . . .”

¹¹⁶ Ke leboga kudu ke nna wa Kriste. Le a bona? “Leina la Morena ke tora ye maatla.” Le a bona? “Baloki ba tshabela ka go yona gomme ba bolokega.” Gona, Leineng la Gagwe re ne kopanelo.

¹¹⁷ Bjale, ge re eya ntle fa, gomme yo mongwe a re, “Ke nna wa kereke ya Modimo.” Ke a dumela ye ke kereke ya Modimo. Gomme yo mongwe o re, “Ke nna wa Assemblies,” gabotse, seo se ka no dira kgohlano. Yo mongwe o re, “Ke nna wa United.” Yo mongwe o re, “Ke nna wa se sengwe gape, Mooneness,” goba e ka ba eng e lego. Ge o eya go nganga ka tsela yeo, o ya go nganga.

¹¹⁸ Eupša ge gabotse o fihlile go Tora yela, ga go kgathale ke sehlopha sefe o nago le sona, o ka tlase ga Madi. Gomme leo ke lefelo le nnoši o ka kgonago go ba le kopanelo, ge Madi a Jesu Kriste, Morwa wa Modimo, a re hlwekiša go tšwa sebeng sohle. Re na le kopanelo nako yeo, yo motee le yo mongwe. A kopanelo e lego yona! Re ka kgonago fihla go kgabaganya, le go tše church of God, Assemblies of God, Oneness of God, le e ka ba eng e ka bago, ga go kgathale se e lego. Fao re na le dilo tša go swana. Re na le Kriste, gomme Kriste ke Botšabelo bja rena. Yo mongwe le yo mongwe wa rena, ge a le Mobaptist, Mopresbyterian, Molutheran, Mokatoliki, eng kapa eng a lego yona, ge a le ka fase ga Madi ao, o ka kopanelo le yena gobane le batee. Le ka go kopanelo Kgethwa ye ya Kriste. Oo, a selo se segolo!

Jesaya o e hlalošitše, “Yena ke Leswika ka nageng ye e lapilego.”

¹¹⁹ Woo ke mohuta wo wa naga, moo a tshwenyegile bjalo, batho ga ba tsebe ba dire eng. Ba re, “Gabotse, a ye ke nnete? A yela ke nnete?” Kriste o a rereša. “A ye ke tsela? A *yela* ke tsela?”

O rile, “Ke nna Tsela.”

“Ke efe e lego Therešo, *ye goba yela*?”

Jesu o rile, “Ke nna Therešo. Ke nna Tsela, Therešo, Bophelo.” Le a bona?

¹²⁰ Re tlogetše go tshwenyega ka seo. Ka tsela yeo go aga kgatelelo. O re, “A Methodist e lokile? A Presbyterian? Mme wa ka o be a le *se*. Gomme wa ka . . .” Eupša Kriste o be a le Morena wa gago. Le a bona? Ga go kgathale se e lego, o aga kgatelelo, gomme seo se go dira o ngangane. Le a bona? Ge o nno ithekga ka mokgatlo wa gago, seo se aga ngangano. O leka go aga mokgatlo wa gago. Eupsa ge o le ka go Kriste, o no tloša kgatelelo. Amene. Fao go no ba dijo tša rena bohole. Nna!

¹²¹ Jakobo o epile sediba, gomme Bafilisita ba tšhaba go tloga go yena. Ke a dumela o se biditše “kgogakgogano.” Ke lebetše leina. A seo e bile? Gomme o epile se sengwe, gomme ba se tšeа go tloga go yena, gomme o biditše se “tshele,” goba se sengwe. Morago o epile sediba se sengwe. O rile, “Go sekgoba bakeng sa rena bohole. A re tleng ka gare bohole.” Kafao ke nagana re hloka go tla tikologong ya sediba sela sa boraro. Kafao ka go . . .

¹²² Tsela e nnoši re ka kgonago go dira seo, ke ka tlase ga Madi, gona Methodist e ka kgona go tla thwi ka mo le go ikwela feela gae bjalo ka ge Pentecostal e kgonne. Ee, mohlomphegi. Modisa wa Methodist, a tladiršwego ka Moya wo Mokgethwa, a ka kgona go tšeа Pentecost ye nngwe le ye nngwe ka nageng, thwi ka kua, gomme a ba thwi ka gae. Gomme re ka kgona go ba gae yo motee le yo mongwe, e sego ka baka la gore, re re, bjale, “Lena bohole Mamethodist, lena bohole Mapentecostal.” Ge le re, “Lena bohole Bakriste.” Amene! Oo, seo se tšeela selo se segolo ka gare. Ka gona re na le kopanelo, gomme re no tloša kgatelelo. Ke rata seo. Ga go kgatelelo ye e agilwego nako yeo. Ga re kgathale se o lego wa sona, ke leswao lefe o le aparago.

¹²³ Ke be ke fela ke diša dikgomo. [Lefelo la go se be le selo godimo ga theipi—Mor.] . . . Troublesome River Valley. Gomme ka gona ge o ka kgona go tšweletše ditone tše pedi tša bjang, gomme mo polaseng ye, gobaneng, o ka kgona go bea kgomo mo mafulong. Gomme ba bangwe ba bona banna ba ne tše sekete, tše pedi, hlogo ya dikgomo. Dikibo di be di le godimo fale, lepheko, Diamond Bar, ya rena e be e le Turkey Track ya kgale. Gobaneng, bona, ba bile le dikibo tše ntši, mohlomongwe masomepedi goba masometharo a dikibo, godimo le fase moo, mokgatlo wola o bilego le wona ka go wona. Ka gona, go na le legora la go hlehla le le bolokago dikgomo morago godimo ka sethokgweng sa setšhaba, ge o eya go rotoga molapo, le go di boloka godimo fale.

¹²⁴ Gomme ka gona banamedi ba otlela go kgabola selemo le go bea dipoo tše ntši kudu, dikgomotshadi tše ntši kudu, le go ya pele. Ka gona re . . . Ba na le legora la go hlehla, gomme molemiši o eme fale go hlodiša dikgomo tšela ge di eya go kgabola. Dinako tše dingwe sehlopha ka moka sa rena re tla tla mmogo ge re tliša tšona dikgomo godimo, ka seruthwane. Gomme ka kgontha go na le diketekete tša hlogo tša dikgomo godimo le tlase moeding wola. Gomme ke makga a makae ke dutšego fale ka leoto la ka le phuthetšwe go dikologa lenaka la sala, ke bogetše molemiši yola a eme fale. O hlodiša dikgomo tšela ge di eya go kgabola.

¹²⁵ Bjale, ke hlokometše go be go le e ka ba . . . mehuta ye mentši ya dikibo e ile ka fale, eupša molemiši ga se a ke a hlokomela sekibo. O šeditše bakeng sa theke ya madi, gobane ga se gona se ka tlago go sethokgwa sela eupša motswako wa makgonthe wa Hereford. Kagona, seo se boloka ditokelo tša gago tša motswako. Le a bona?

¹²⁶ Ke nagana ke ka tsela ye go yago go ba ka Letšatši la Kahlolo. Modimo ga a ye go re, “A o be o le wa Assemblies, church of God?” O ya go hlokomela theke ya Madi. “Ge Ke bona Madi, Ke tla feta bokagodimo ga lena.” Go sa kgathale sekibo se re nago naso, seo ga se re selo.

¹²⁷ A o Hereford? A o ngwadišitšwe? A o Mokriste wa go tswalwa gape, wa go tlatšwa ka Moya wo Mokgethwa, wa go hlatswiwa ka Mading a Gagwe? Seo ke se Modimo a yago go se lebelela pele, Letšatši leo, go bona theke yela ya Madi. “Ge Ke bona . . . E sego ge Ke bona sekibo. Ge Ke bona theke ya Madi, le ka kgora go fetela ka gare.” Amene.

¹²⁸ Ke thoma go ikwela bodumedi. Fa e nyakile go ba seripagare sa lesomepedi, gomme ke be ke swanetše go be ke dirile metsotsa ye masomepedi ya go feta, gomme ke no ba go ikwela bodumedi botse gabotse. Oo, tumišang Modimo! “Ge Ke bona Madi, Ke tla le feta.”

Bjale, lebaka la motsotso wo mongwe goba ye mebedi, ge le ka rata.

¹²⁹ Ke boditšwe gore go na le mohuta wo o itšego wa ntšhu. Ba bantsi ba lena banna ba theipi le na le molaetša wa ka ka *Ntšhu E Šikinya Sehlaga Sa Yona*. Gomme ke be ke ithuta dintšhu. Ke rata dintšhu. Ke a tseba ba nagana ke legwaragwara la kgale, eupša o be a le mo ka morero. Boka ge ke . . . ke rile go mosadimogatša wa ka, letšatši le lengwe . . .

¹³⁰ Ka gona, bohole le bone, ka go kgatišobaka ya *Life*, moo ba bolailego dikhoyethe tšela tše dikete tše makgolonne le metšo ngwaga wa go feta, ba no di tše le go di thunya. Ba bile le sehlopha sa dikolobe tša gae di bile lebelete tlase mo. Ba no ya go tše, ba ya ka kua ka difofane, le go di thunya ka matšhenekana.

Yeo ke polao. Yeo ga se nnete. Ga se nnete. Khoyote yela e ka se kgone go thuša go ba khoyothe. O swanetše go bolaya, go ja.

¹³¹ Makga a mantši ba re o bolaya dikwana le dilo, ka mokgwa woo. Ge sehlopha sela dibodu sa badiši ba fihlile godimo kua... Ge tšona ditshelau di tswala dikwana, ge ba ka ya ntale fale le go hlokomela ditshelau tšela, sebakeng sa go robala godimo go fihla ka iri ya lesome goba lesometee, khoyote e ne leina le lekaone. Yeo ke nnete. Ga se yena Don El, ma—ma maseke godimo ga sefahlego sa gagwe. Ke khoyote. Nnete. Ke bone batho ba befile go feta yena. Eupša...

¹³² Gomme bera, ka mehla ba bolela ka bera, "Ke mmolai. O bolaya mamane." Ke tsomile ge e sa le ke be ke le mošemane yo monnyane, gomme ga se nke ka ke ka bona bera e bolaya namane. Nnete, o tla e dira, ge a swerwe ke tlala go iša lehung. O tla dira selo sa go swana.

¹³³ Elelwang, o swanetše go bolaya, go ja. Gomme letšatši le lengwe le le lengwe, lehono, ge o phela, se sengwe se swanetše go hwa gore o kgone go phela. O bolaya kgomo; e hwile. O bolaya nku; e hwile. O re, "Ga ke je nama." Gabotse, se sengwe se hwile, golebjalo. Ge o eja letapola, le hwile. Ke bophelo. Ge o eja ditala, se hwile. Ke bophelo. Gomme motho o kgona go phela feela ka selo sa go hwa.

¹³⁴ Bjale, e hwetšeng. Gomme ge se sengwe se swanetše go hwa, gore le phele mmeleng, a ga se feela go kwagala gore Sengwe se swanetše go hwa gore o kgone go phela semoyeng? Kriste o hwile, e sego thutotumelo, eupša bophelo bjo bo tšwago go Kriste. Re phela ka Gosafelego, ka Kriste.

¹³⁵ Ntšhu ye, ke nonyana ye kgolo. Ga ke... Ga ke na le nako ya go e tatolla, se a se dirago, le ka fao a dirago sehlaga sa gagwe, le moo a sego boka ngwanabo wa kerekeleina, kgogo, sengapi sa jarata ya ntlo ya bobolokelo. O ya go ba le kgonthe ga se gona se yago go tshwenya bana ba gagwe. O ya godimodimo. Ga go moswe wo o yago go mo hwetša goba bana ba gagwe.

¹³⁶ Aowa, ga go makatše Modimo o swantšha bohwa bja Gagwe le ntšhu! Le a tseba, O ipitša ntšhu Yenamong. Gomme re dintšhuana. Gomme ntšhu ga se setopeledi. E hwetša nama ye mpsha letšatši le lengwe le le lengwe. Amene. Dijo tša Ntšhu, seo ke se Kereke e swanetše go ba le sona, e sego ka maitemogelo a mengwaga ye masomenne ya go feta. Boitemogelo bjo ke nago nabjo thwi bjale, selo se sengwe se senanana go tšwa Legodimong.

¹³⁷ Ntšhu ya kgale e aga sehlaga sa yona mafekefekeng a legaga, kafao meswe le dilo di ka se e hwetše. Ngwanabo wa kerekeleina, kgogo, e bea sa gagwe ka go monga wo o itšego wa kgale ka legoreng tlase kua, e ngapa ka jarateng ya ntlopolokelo, le se sengwe le se sengwe gape. Eupša e sego ntšhu, o be a ka se kgone go ja seo. Le a bona? O ile. Seo ga se selo go yena.

¹³⁸ Ntšhu ye, ge e fihla lefelong le le itšego, Beibele e rile, “Re mpshafatše boswa bja rena bjalo ka ntšhu.” Ka mehla ke be ke makala, “go mpshafatša boswa,” seo se ka kgona go ba bjang?

¹³⁹ Ke a elelwa. Se se kwagala . . . Ke tšere nako ya lena ye ntši. Eupša, sehlopha sa mathomo sa pentecostal nkilego ka ba le sona, e bile mekgatlo ye mebedi ya go fapania ya yona, mmogo. Gomme ke be ke etla tlase go tšwa—go tšwa godimo leetong la go thea dihlapi, gomme ke ile ka gare. Ke bone maina a gohle godimo ga le. Ke ile ka gare. Ke kwele lešata la go šiiša kudu, gomme batho ba ka fale, ba taboga, le go kitima, le go bina, go dikologa godimo ga lefelo. Ke naganne, “Ke eng se?”

¹⁴⁰ Kafao o rile, “Badiredi bohole sefaleng bošegong bjo.” Gomme go be go le e ka ba makgolotharo a rena, gomme re ile godimo. Ke ile godimo le go dula fase. O rile, “Bjale, ga re ne nako go lena bohole go rera.” O rile, “Re no nyaka o no bitša leina la gago, moo o tšwago.”

¹⁴¹ Ge go etla go nna, ka re, “William Branham, moebangedi; Jeffersonville, Indiana,” ka dula fase.

¹⁴² Kafao ke kwele diboledi tše kaone letšatši leo. Gomme selo sa pele le a tseba . . . Ba ile ba swanela go ba le yona ka Leboa, gore makhilate a kgone go tla go yona. E be e le khonferense ya setšhaba, gomme ba ile ba swanela go ba le yona ka Leboa, ona matšatši. Yeo e bile e ka ba mengwaga ye masomepedi tlhano ya go feta, ke a thanka, goba bontši, ba ile ba swanela go ba le yona godimo fale gore batho ba makhilate ba kgone go tsenela.

¹⁴³ Kafao bošegong bjoo ke naganne, “Nna, khonferense ye kgolo ye, kopano ya bošego bjo, ba tla ba le yo mongwe wa diboledi tša bona tše kgolokgolo go tla pele.” Nnete, rena Mabaptist, le a tseba, yeo ke tsela ye re e dirilego. Kafao ba bile . . .

¹⁴⁴ Ka morago ga nakwana, go tsogeng godimo khoneng, go be go le mokgalabje wa lekhilate, mantshwanyane wa kgale, o be a ne ntikodiko ye nnyane ya a mašweu—a mašweu a tšitšhiboya go dikologa molala wa gagwe. Gomme ke be ke le e ka ba, ke a thanka, e ka ba mengwaga ye masomepedi pedi bogolo, masomepedi tharo. Gomme ba be ba apere dijase tše tša moreri tše kgale, e tee ya mosela wo wa fešene ya kgale, le a tseba, morago ka morago, le a tseba, go swana le peolane. Gomme moisa wa kgale o tlile a hlotša ntle ka mokgwa *wo*, a ka ba bogolo bja mengwaga ye masomeseswai. O tšwetše ntle go . . . Ke naganne, “Ba tla tliša monna mang boka yola ntle, ka khonferenseng fa, moo e ka bago makgolo a lesometlhano a batho ba dutše mo, gomme, fao, yo motee wa diboledi tša bona go tla ntle ka mokgwa *woo*? ”

¹⁴⁵ Moisa wa kgale o tlile ntle. O rile, “Gabotse,” o re, “ke tla le botša.” O re, “Ke nyaka go tšeа sehlogo sa ka go tšwa godimo ka go Jobo, bošegong bjo. ‘O be o le kae ge Ke bea motheo wa lefase,

ge dinaledi tša meso di opela mmogo gomme barwa ba Modimo ba goelela ka lethabo?”¹⁴⁶

¹⁴⁶ Ke theeditše badiredi bale bohle letšatšing lela, ka fao ba bego ba tla bea bophelo bja Kriste ka Lengwalong, ka bobotse bjang. Ke naganne diboledi tsoko tša kgonthe di boletše letšatši lela. Ke naganne, “Moisa yo wa go šokiša wa kgale wa segole.”

¹⁴⁷ Gabotse, ga se nke a bolela ka se se ilego lefaseng. O boletše ka se se ilego pele ka Legodimong. Gomme o Mo tšeetše godimo mošola e ka ba mengwaga ye milione tše lesome pele ga motheo wa lefase, le go Mo tliša tlase go molalatladi wa go kgabaganya, le go Tla la bobedi. O be a se e ka ba metsotsø ye mebedi go dira seo. Gomme ge a dirile, Moya o mo iteile. O tabogetše ka moyeng, gomme a bethantsha direthe tša gagwe mmogo, o rile, “Letago go Modimo!” O rile, “Ga le na sekgoba sa go lekanelo mo go nna go rera,” o ile a tsabela go tloga sefaleng.

¹⁴⁸ Ke naganne, “Seo ke se ke se nyakago. Ge seo se ka dira mokgalabje go dira ka mokgwa wola, se tla dira eng go nna?” Go mpshafatša boswa bja gagwe! Gobaneng, o bile le sekgoba se sentši go feta re nago godimo fa, khwaere le bohle, gomme efela ga se ba be le sekgoba sa go lekanelo go mo swara ge Moya o mo rathile. Ke rile, “Seo ke se ke se nyakago. Seo ke se ke se nyakago.”

¹⁴⁹ Ntšhu ye ya kgale, e ba le legapi godimo ga sefahlego sa gagwe le hlogo ge e tšofala. Ga e kgone go ja. O a šokiša; molomo wa gagwe o ka se bulege gabotse. O nyakile go foufala. Gomme ge legapi lela le fihla lefelong le le itšego godimo ga hlogo ya gagwe, ba re o fofela godimodimo ka moyeng, gomme o dula fale, gomme o betha hlogo ya gagwe kgahlanong le leswika lela, a kokota go tloša legapi lela, ge a ka kgona. Gomme o rokološa mahlo a gagwe le go lebelela morago. O betha legapi. Oo, le swanetše go tloga. Le swanetše go tloga. Ge e sa dire, o ya go hwa. O swanetše go tloša legapi lela go tloga sefahlegong sa gagwe le molomo wa gagwe. Gomme o be a tla itia hlogo ya gagwe ka tsela e tee, gomme morago ka tsela ye nngwe. O a itia go fihla a itia go tloša legapi lela. Gomme ge a e itia kgahlanong le leswika lela go fihla legapi le tloga, morago o a goelela, gomme o fošetša diphego tša gagwe morago le pele, gomme o a hlalala ka gore o a tseba gore o ya go hwetša mafofa a maswa; o ya go ja divitamine tša gagwe gape; o ya go mpshafatša boswa bja gagwe. Gomme ka gopola, “A selo sa go makatša e lego sona sa ntšhu. Seo ke se sebotse.”

¹⁵⁰ Eupša ke tseba Leswika leo motho a ka kgonago go tla go lona, gomme a kgona go betha, le go betha, go fihla go kamaka gohle go ile, go fihla go tshwenyega le matshwenyego a lefase a sepetše. Gomme ge a bethile legapi la sebe go tloga go mo dikologa, go fihla Madi a hlwekišitše soulo ya gagwe, gona Bophelo bjo Bosafelego bo ne kgonthe go tla. A ka no dula

morago le go tloša kgatelelo, gobane Bophelo bjo Bosafelego bo ne kgonthe.

¹⁵¹ Oo, dintšhu, lehono, ke ka baka leo le lego mo. Le dintšhuana. Eupša ge legapi le thomile go foufatša mahlo a gago, matshwenyego a lefase, goba o no se kgona go metša Dijo tšohle tša Modimo, a re tleng go Leswika lela ka go naga ye e lapilego. A re tleng Kua gomme re itie godimo ga aletara go fihla legapi le pšhatlega, gomme mahlo a rena a ka kgona go bona ka go hlaka, Jesu gape, gomme matshwenyego a lefase le a fetile. Gona kgatelelo e tla tloga. “Yena ke Leswika ka nageng ye e lapilego, Seširelo ka nako ya ledimo,” Botšabelo, Setšabelo sa khutšo, go ba ba lapilego. A re tleng go Lefelo leo.

A re inamišeng dihlogo tša rena feela nakwana.

¹⁵² Tshwarelo go le swarelela botelele. E be e ka ba matlakala a selelago bontši a dinoutse tše di letšego mo, dikgopololo tše nnyane le Mangwalo ke bego ke eya go a šomiša. Eupša ke nako. Oo, ntšhuana ye nnyane, mohlomongwe mosetsana tsoko yo monnyane, mošemane tsoko yo monnyane, goba mohlomongwe motho tsoko wa kgale, goba wa mengwaga ya magareng, gobaneng o le fa mosong wo? Ka baka la gore, wena, ka kgonthe o ntšhu. Eupša mohlomongwe matshwenyego a bophelo a mohuta wa go go lwantšha go dikologa, ka makgwakgwa. O lahlegetšwe ke pono. Ga o sa na kgonthe kudu gape, moo o beago leoto la gago. A re nong go tla godimo kgahlanong le Leswika bjale. “Oo, ntlhahlele go Leswika lela le lego godimodimo go mpheta.” A nke ke robale godimo ga Leswika le. “Yena ke Seširelo ka nako ya ledimo.”

¹⁵³ Thoma go itia kgahlanong le mojako thwi bjale, o itie kgahlanong le mojako wa Leswika le. O tla bulega. Legapi le tla fofa. Ka gona kgatelelo e tla go tlogela, gomme o ka kgona go khutša gape, kgatelelo yohle e ile. O ka kgona go tla kerekeng. Ga go kgathale se modiša a rerago ka sona. Ge feela a dula ka go Lentšu lela la Modimo, le ka se tsoge la go ahlola. O šetše o kgwapareditše ka Fale. O gabotse bjale.

A re rapeleng.

¹⁵⁴ Morena Jesu, ke nyaka go hlagiša gape, Morena, ka go ditebogo gore go ne lefelo le lennyane fa ka Phoenix, le gohle go dikologa mafelo a go fapana. Gomme le ke le lengwe la ona leo, nna—nna nnamong, nka—nka kgonago go tla gomme ka kgona go ikwela go khutša. Ga go selo se ntlemago. Ke—ke no bolela Mantšu. A lefelo leo le lego; go lokologa, kgatelelo yohle e ile. Ke leboga kudu bakeng sa lona, Morena.

¹⁵⁵ O Morena, a nke Leswika le legolo lela ka mehla le robale mo aletareng ye, moo dintšhuana tše nnyane tša go hlahlatha, go dikologa godimo ga toropokgolo, di ka kgonago go tla ka gare le go tsebišwa lefelong, go itia legapi la lefase go tšwa go tšona, gore di kgone go ipshina ka kopanelo ye, ka go tloša kgatelelo, ka

letšatšing le la lebaka la athomo ge lefase le tšhogile. Setšhaba se sengwe le se sengwe se a šišinyega. Mafaufau a a roromela. Tlhago yohle e a goelela. Lefase lonamong le a roromela gobane le ka thuthupišwa go ba ditshetlana. Eupša re na le Mmušo wo o ka se kgonego go šuthišwa. Re na le Toropokgolo ya botšabelo. Re na le Gosene, moo letšatši le ka se tsogego la sobela. E fe, Morena. A nke re tle go Leswika le bjale.

¹⁵⁶ Bjalo ka mmutla wo monnyane, kanegelo ya gagwe, dimpša tša go tsoma di be di le thwi ka morago ga gagwe. O be a kgona go ikwela mohemo wa tšona wa go fiša godimo ga maoto a gagwe. Feela lebakana le lennyane, motabogo wo mongwe goba ye mebedi, gomme mpša ya go tsoma e be e eya go tsea moisa yo monnyane. O tla be a meditšwe, feela mo nakwaneng. Eupša morago ga nthathana o bone molete ka leswikeng. Gomme o naganne, “Ge nka kgona feela go fihla go leswika lela, gona ke bolokegile.” Feel a ge mpša e dirile motabogo wa mafelelo go yena, o ikwetše mohemo wa gagwe wa go fiša godimo ga direthe tša gagwe, eupša o kitimetše ka tlase ga leswika. Ka gona o kgonne go dula fase gomme a tloša kgatelelo. Mpša ya go tsoma ga se e kgone go ngapa go kgabola leswika lela.

¹⁵⁷ Morena Jesu, ke rapela go Wena mosong wo, Morena, gore ge tše dingwe tša dibopša tše nnyane tše tša Gago, tše di tsekellešego kgole go tloga go lefelo lela la polokego; di kgona go kwa mo—mo mohemo wa dimpša tša go tsoma tša hele, makgarebe, masogana, di kgatha ka morago ga bona, ba bona bophelo bja bona bo šwalalana go ya lehlakoreng le lengwe. A nke ba hlaganele mosong wo go mphatša wo ka Leswikeng. Go ne o tee. Baloki ba tšhabela ka go wona, gomme ba bolokega. E fe, Tate, ka Jesu, Morwa wa Gago.

¹⁵⁸ Ge re sa ne dihlogo tša rena di inamišitšwe, le dipelo tša lena di inamišitšwe, le tšona, a o ka dira, ge o se ka go Leswika lela mosong wo, a o ka phagamišetša seatla sa gago go Modimo? Gomme o re, “Modimo, a nke ke tle ka go lefelo lela la polokego bjale, moo nka kgonago go no tloša kgatelelo. Ke bile go lapa gannyane. Ke thoma go ipona nnamong ke hlahlatha. Ke ikwetše nnamong ke tloga. Ga ke ne boitemogelo bjoo ke bego ke fela ke eba le bjona. Mpušetše morago go Leswika thwi ka pela, Morena.” A o ka no phagamiša seatla sa gago, wa re, “Nthapediše, Ngwanešu Branham”? Modimo a le šegofatše. Seo ke se sebotse, gohle go dikologa mogohle. Aa, seo ke se sebotse. Modimo a le šegofatše.

¹⁵⁹ “Ntšeele morago go Leswika, Morena. Ntšee morago. Ke a gogolwa. Oo, o se ke wa ntumelela go fapogela kgole go tloga go lona. A nke ke... Ge eba ke ya go ja, a nke ke je go dikologa mphatša. A nke ke dule kgauswi moo Mana a wago. Ga ka swanelia go tsekella ntle. Mana a beilwe thwi mo lebating.”

¹⁶⁰ Tate wa Legodimong, Wena o bone sehlopha se sa diatla. Ke a rapela gore O tla ba fa tlhologelo ya bona. A nke legapi lohle le le thomago go ba foufatša bjale, Morena, bjalo ka ge dipelo tša bona di rethetha, gomme pelo ya bona ya semoya e a rethetha, go thuba pelaelo yohle, gosedumele gohle, kgakanego yohle, letšhogo lohle, le—le go makala ke eng se goba *selā*, sohle se a matshwenyego ohle. A nke feela bjale ka bose ba hwetše gore legapi lela le a thubja, ge ba rothotha thapelo ya bona kgahlanong le Leswika. A nke Kriste a ba tliše godimo godimo bjale gomme a ba bee godimo ga sehloa. Gomme ba ka kgona go pokapokiša diphego tša bona tše nnyane tša semoya, ba re, “Ke lokologile. Ke lokologile.” E fe, Tate, Leineng la Jesu.

¹⁶¹ Gomme bjale a go na le bale fa mosong wo ba ba lego ka go botšabelo bjola, gomme o a babja, gomme ga o tsebe feela se se dipuelo di yago go ba, gomme o nyaka go kgwaparetšwa ka go se sengwe se se tla go fago tšhireletšo, se se tla fodišago mmele wa gago, gomme o nyaka go gopolwa ka thapelang?

¹⁶² E nong go elelwa, feela lentšu la thapelo; seo ke ka moka. Kokotela kota ye nnyane fase fao moo le dutšego, gomme le re, “Letšatši le, letšatši le, thapelo ya tumelo e rapetšwe bakeng sa ka. Gomme nako ye nngwe le ye nngwe ge ke tsena kereke ye, ke tla elelwa mo ke bego ke dutše mosong wo. Fao thapelo ya tumelo e rapetšwe ke phuthego yohle, bakeng sa ka. Ke ya go fola bjale. Ye ke yona. Ke a e dudiša.” Bjale, phagamišetša seatla sa gago godimo, o re, “Ke kokotela kota ya ka fase, gonabjale.” Modimo a go šegofatše.

¹⁶³ Bjale, elelwang, ka tumelo, kokotela kota fase, gonabjale, thwi moo o dutšego. Letšatši le, Lamorena, la lesome, ke a dumela ke lona, goba la 13. “Letšatši le la 13 la Janaware, ka go church of God ye nnyane ye, ka setulong se se itšego se, ke rapela thapelo ya tumelo, le modiredi, gomme le moebangedi, gomme le phuthego; yo motee a rapelela yo mongwe. Le ke letšatši la phodišo ya ka, thwi fa. Ke a e fediša, thwi fa, Morena. Ke nna ntšhu ya Gago. Ke ka go lefelo la botšabelo. Ke na le tokelo go tšhegofatšo efe kapa efe ya topollo yeo A ntheketšego yona. Ke nna yo, thwi fa bjale.”

¹⁶⁴ Tate wa Legodimong, ke ba tliša go Wena. Ke bea thapelo ya ka le tša bona. Gomme bjale, ka tumelo re phagamiša go tšwa kerekeng ye, godimo ka godimo ga dikgao, le mafaufau, le dikgao, le dikgao, godimo go feta dinaledi, ngwedi, go rotoga Tsela Tšhweu ya Maswi, go ya go terone ya Modimo Tate wa rena, molalatladi wo mogolo go kgabaganya aletara ye botse yela ya naka la tlou. Fale go robetše godimo ga aletara yela Sehlabeledo sa go tšwa madi. Gomme re lebelela godimo ga mokokotlo wa Gagwe, bjalo ka ge mopropfeta a re laletša go dira, gomme o rile, “Ka megogoma ya Gagwe re fodišitšwe.” Tate, ke tliša yo mongwe le yo mongwe wa bona go Wena. Gomme O rile,

Yenamong, “Ge le ka kgopela Tate e ka ba eng Leineng la Ka, Ke tla e dira.”

¹⁶⁵ Bjale, Tate Modimo, ke rapelela batho ba ba go babja. Ba kokotetše kota fase, mosong wo. Ke e dumela ka pelo ya ka yohle. Ye ke iri bakeng sa thapelo ya tumelo. Gomme ke a dumela, ge ke Go kgopela go fodiša yo mongwe le yo mongwe wa bona. Ba a e amogela. Gomme mo re kokotela kota, bjalo ka segopotšo gore re be re le teroneng ya Modimo mosong wo. E rarolotšwe. Modimo o dirile tshepišo.

¹⁶⁶ Bjale, Morena, go ngwadilwe ka go Mokgethwa Mareka, tema ya 11 gomme temana ya 22, ya 23, “Ge o re go thaba ye, ‘Suthišwa,’ o sa belaele ka pelong ya gago, eupša wa dumela gore se o se boletšego se tla direga, o ka ba le sela se o se boletšego.” Morena, go boletšwe, bjale a go dirwe. Leineng la Morena Jesu Kriste, ke e amogela bakeng sa yo mongwe le yo mongwe, le bakeng sa letago la Gago.

¹⁶⁷ Bjale, dumela ka pelo ya gago yohle. Gomme ka dihlogo tša rena di inamišitšwe, a re opeleng pina ye ya kgale ya kereke, *Ke A Mo Rata*. “Ke a Mo rata gobane O nthatile pele, gomme O rekile phološo ya ka godimo ga Khalibari.” A o amogela gore phodišo ya gago, phološo ya gago, moyo wa gago wo o mpshafaditšwego, o etla ka ntlong ya botšabelo? O a e amogela? Phagamišetša seatla sa gago godimo, e re, “Ke a e amogela. Ke a e dumela. Gonabjale ke a dira.” Go lokile, bohole mmogo bjale.

Ke a Mo rata,

A re Mo rapeleng bjale.

Ke rata . . .

Ke a Go leboga, Morena, bakeng sa go tloša dikgapetla go tšwa mahlong a ka.

Gobane, O ratile pele . . .

Go tonya gohle ga ka go fedile bjale. Bolwetši bja ka bo ile.

A reka phološo ya ka

Godimo ga Khalibari.

¹⁶⁸ Bjale, ge re sa opela yeo gape, ke nyaka le no—le no swara seatla sa yo mongwe, pele ga gago, morago ga gago, ka lehlakoreng la gago. E re, “Modimo a go šegofatše, moeti, ngwanešu, kgaetsedi. Ke thabile go ba le kopanelo ye le wena.” Tšwelapele go nthapediša ge o dira seo bjale, ge re opela gape bjale.

Ke . . .

Gobane O nthatile pele;

Gomme a reka ya ka phol- . . .

¹⁶⁹ Pele ke retollela tirelo go modiša, a re nong go phagamišetša diatla tša rena godimo bjale, gomme ka pelo ya rena yohle re e opela go mabotebo a soulo ya rena. A le a Mo rata? E reng,

“Amene.” [Phuthego e re, “Amene.”—Mor.] A re e boleleng gape, “Amene.” [“Amene.”] Yeo e ra “A go be bjalo.” Ke a Mo rata. Bohle mmogo bjale, a re e opeleng, bogodimo bja mantšu a rena.

Ke...ke...

¹⁷⁰ Modiša. Modimo a go šegofatše. Tshwarelo go le swarelela botelele, go le bjalo. [Modiša o re, “Go lokile.”—Mor.] Ke a go leboga.



Go Tloša Kgatelelo NST63-0113M
(Letting Off Pressure)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Janaware 13, 1963, ka Church Of God ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org